

տարուայ յուլիսին, Ինձ դրդեցին շնորհել ձեզ ս. Գէորգ Զօրավարի 3-րդ աստիճանի շքանշան:

Հաւատացած եմ, որ փորձուած քաջարի զօրքերն աշտուհետեւ եւ իրանց քաջագործութիւններով նորանոր փայլուն էջեր կը բանան իրանց ռազմական կեանքի պատմութեան մէջ:

Զիջանելով ձեր աննկուն ցանկութեան՝ նուիրելու ձեր ոյժերը ծանր աշխատանքներից քայքայուած ձեր առողջութեանը աւելի համապատասխանող աշխատանքի՝ ես խորին ցաւակցութեամբ ազատում եմ ձեզ Իմ փոխարքայի, կովկասեան զօրքերի ընդհանուր հրամանատարի և ատամանի պարտականութիւններից և, անկեղծօրէն գնահատելով Հայրենիքին ու Գահին մատուցած ձեր ծառայութիւնները, նշանակում եմ ձեզ գտնուել Ինձ մօտ:

Ես խորապէս հաւատում եմ, որ բարգ պարտականութիւններից ազատութիւնը կը վերականգնէ ձեր ոյժերը, և դուք դեռ երկար օգտակար կը լինէք Ինձ և պետութեանը ձեր փորձառութեամբ և անկողմնապահ խորհուրդներով:

Իսկականի վրայ Նորին Կայսերական Մեծուքեան Սեփական ձեռնով ստորագրուած է՝

Սորապէս յարգող ձեզ և անկեղծօրէն շնորհապարտ՝
«ՆԻԿՈԼԱՅ»

Արքայական Կայան, 23 օգոստ. 1915 թ.

ՀՐԱԺԵՇՏԻ ՈՂԶՈՅՆ

Նորին Կայսերական Մեծուքեան Կովկասի
Փոխարքայ Կոմս Վօրոնցով-Դաւկովի

Աւելի քան 10 տարի առաջ ստանձնելով Կովկասի վարչութիւնը հասարակական տրամագրութիւնների խառն ժամանակ, ես բնակչութեանն ուղղած իմ գիմումի մէջ փտահութիւն էի յայտնել կովկասցիների հաւատարիմ հաշտակութեան վերաբերմամբ դէպի Թազաւոր Կայսրը, որի համար տեղական բոլոր ազգութիւնները հաւատարա-

պէս մօտ են, թանկագին. վստահութիւն էի յայտնել նմանապէս, թէ հնարաւոր պիտի լինի լիակատար խաղաղութիւն մտցնել երկրի փոթորկուած կեանքի մէջ, յուսալով ժողովրդի խոհականութեան և բնակչութեան բարեմիտ մասի աջակցութեան վրայ՝ առանց կրօնների և ազգութիւնների խտրութեան: Այս յոյսն ինձ չբխաբեց, և Կովկասի ազբնակութիւնը դէպի ինքն արտայայտած վստահութեանս արձագանք տուեց փոխադարձ վստահութեամբ: Շնորհիւ այս բանի ինձ յաջողուեց բաւական շուտով կատարելապէս խաղաղեցնել երկիրը, որով հնարաւոր դարձաւ նրա խաղաղ և արդիւնաւէտ զարգացման համար հետզհետէ անհրաժեշտ միջոցներ ձեռնարկելու: Դժբաղդաբար, այս ուղղութեամբ ինձ չյաջողուեց վերջնական վախճանի հասցնել իմ բոլոր մտադրութիւնները: Կովկասում հաստատուն հողաշինարարութեան միջոցով մասնաւոր սեփականութիւն սահմանելու, զեմատւային հաստատութիւններ մտցնելու, դատարանը վերակազմելու, բարձրագոյն դպրոց հիմնելու, ինչպէս և Անդր-Կովկասի կենտրոն թիֆլիսը՝ Ռուսաստանի սրտի հետ Կովկասեան գլխաւոր լեռնաշղթայի վրայով երկաթուղային ծագով միացնելու նկատմամբ իմ ունեցած աշխատանքներն անաւարտ մնացին, գլխաւորապէս մեր հայրենիքին վիճակուած ծանր պատերազմի պատճառով: Սակայն ես հաստատ յոյս ունիմ, որ Կովկասի ազգաբնակութիւնը ոչ հեռու ապագայում, պատերազմի փոթորիկն անցնելուց յետոյ, ականատես կը լինի երկրի համար կենսական կարևորութիւն ունեցող այդ միջոցների իրագործմանը:

Այս յուսով, ցաւ ի սիրտ, հեռանալով իմ թանկագին Կովկասից, ես պահանջ եմ դրում իմ հրաժեշտի ողջոյնն ուղղելու նրա բազմացեղ բնակչութեան բոլոր ազգութիւններին և բոլոր խաւերին: Ի սրտէ շնորհակալ եմ այն բոլոր անձնաւորութիւններից և հաստատութիւններից որ շատ անգամ ինձ վստահութեան բարի տրամադրութիւն են ցոյց տուել, որ երբէք չեմ մոռանալ, և անկեղծօրէն մաղթում եմ այս օրհնուած երկրին իր բնական, հոգեկան և ֆիզիքական ոյժերի ու միջոցների կատարեալ բարգաւաճում:

Գեներալ-ադիւտանտ Կոմս Վօրօնցով-Դաշկով: